



Broj: 07-11-405/20
Vogošća, 23.04.2020. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14), i čl. 71. i 125. Statuta Općine Vogošća ("Službene novine Kantona Sarajevo", broj 27/14 i 14/15 Prečišćeni tekst), Općinski načelnik dana 23.04.2020. godine donio je

ODLUKU

O IZBORU NAJPOVOLJNIJEG PONUĐAČA ZA IZVOĐENJE RADOVA NA REKONSTRUKCIJI ULICE VOGOŠĆANSKIH ODREDA U UKUPNOJ DUŽINI OD 450 m, NA PODRUČJU OPĆINE VOGOŠĆA

Član 1.

Ponuda ponuđača "Ame" d.o.o. Breza, ulica Branilaca grada bb Breza, odabrana je za izvođenje radova na rekonstrukciji Ulice Vogošćanskih odreda u ukupnoj dužini od 450 m, na području općine Vogošća, kao prvoplasirana na Rang listi, sa ponuđenom ukupnom cijenom nabavke u iznosu od 278.000,00 KM bez uračunatog PDV-a, odnosno 325.260,00 KM sa uračunatim PDV-om.

Član 2.

Ova Odluka stupa na snagu danom donošenja, a objaviće se na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 24.03.2020. godine donio Odluku o pokretanju Otvorenog postupka nabavke radova na rekonstrukciji Ulice Vogošćanskih odreda u ukupnoj dužini od 450 m, na području općine Vogošća, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 25.03.2020. godine pod brojem: 1353-1-3-40-3-54/20.

Sažetak Obavještenja o nabavci objavljen je u "Službenom glasniku BiH" broj: 19/20 od 27.03.2020. godine.

Tendersku dokumentaciju sa Portala javnih nabavki BiH je preuzelo 18 (osamnaest) ponuđača. Krajnji rok za dostavu ponuda bio je 13.04.2020. godine do 12:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 13.04.2020. godine.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 07-11-405/20 iz marta 2020. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke je konstatovala da je zaprimljeno 8 (osam) ponuda i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM)SA POPUSTOM bez PDV-a	UKUPNA CIJENA (KM) sa PDV-om
1	"Bosman" d.o.o. Sarajevo	375.588,44	/	/	439.438,48
2	"Bucomerc" d.o.o. Kiseljak	399.461,11	/	/	467.369,50
3	"Demus" d.o.o. Sarajevo	433.038,39	/	/	506.654,92
4	"Ame" d.o.o. Breza	379.893,94	/	/	444.475,91
5	"Grakop" d.o.o. Kiseljak	386.025,08	/	/	451.649,34
6	"Ado-trans" d.o.o. Visoko i "MGV gradnja" d.o.o Zavidovići	357.214,23	/	/	417.940,65
7	"MGBH" d.o.o. Sarajevo	373.388,868	/	/	436.864,976
8	"Tuzlić" d.o.o. Breza	415.198,63	9%	377.830,75	442.061,97

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

- I. Ponuda grupe ponuđača "Ado-trans" d.o.o. Visoko i "MGV gradnja" d.o.o Zavidovići ne ispunjava formalno-pravne uslove tražene Tenderskom dokumentacijom i to:
 - Tačkom 7.4.1. pod c) TD, a u skladu sa članom 51. Zakona je traženo da ponuđač posjeduje/ima na raspolaganju građevinske mašine i tehničku opremu neophodnu za uspješno izvođenje predmetnih radova, i između ostalog da ima na raspolaganju 2 (dva) valjka (ukupne mase preko 2 t).

Tačkom 7.4.2. pod c) TD je između ostalog traženo da se kao dokazi za tražene valjke iz tačke 7.4.1. pod c) stavka 4. trebaju kao dokazi dostaviti važeće saobraćajne dozvole/potvrde o registraciji ili važeće upotrebne dozvole, uz Napomenu II koja propisuje da "Upotrebna dozvola važi 3 (tri) godine od dana izdavanja iste. Ukoliko iz dostavljene upotrebne dozvole nisu vidljive tražene karakteristike mašina/opreme, potrebno je da ponuđač dostavi dokaz-Zapisnik o pregledu mašina/opreme ili drugi dokaz iz kojeg su nedvosmisleno vidljive tražene karakteristike".

Grupa ponuđača "Ado-trans" d.o.o. Visoko i "MGV gradnja" d.o.o Zavidovići je u svojoj Ponudi (strana 117. Ponude) dostavila Upotrebnu dozvolu broj: UD-019/19 od 03.12.2019. godine za radnu mašinu valjak, proizvođača Wacker Neuson, izdatu od strane "Firing" d.o.o. Visoko.

Komisija za javne nabavke cijeni da dostavljena Upotrebna dozvola nije u skladu sa traženim dokazima iz tačke 7.4.2. pod c) TD, iz razloga što se iz dostavljenog dokumenta ne može utvrditi da se radi o valjku ukupne mase preko 2 t.

Sastavni dio Upotrebne dozvole broj: UD-019/19 od 03.12.2019. godine je i Zapisnik o stručnom nalazu broj: Z-019/19 koji ponuđač nije dostavio, iako je to jasno zahtjevano Napomenom II iz člana 7.4.2. pod c) TD, a u slučaju da iz dostavljene upotrebne dozvole nisu vidljive tražene karakteristike mašina/opreme.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

II. Ponuda ponuđača "Tuzlić" d.o.o. Breza ne ispunjava formalno-pravne uslove tražene Tenderskom dokumentacijom i to:

- Tačkom 7.4.1. pod a) TD, a u skladu sa članom 51. Zakona zahtjevano je od ponuđača da su kao izvođači radova realizovali minimalno jedan ugovor čiji je karakter i kompleksnost isti ili sličan onom koji se odnosi na predmetnu nabavku (rekonstrukcija ili rehabilitacija saobraćajnica, parkinga, pješačkih staza, trgova i drugih sličnih javnih površina) u ukupnom iznosu od 380.000,00 KM bez uračunatog PDV-a.

Tačkom 7.4.2. pod a) TD su kao dokaz zahtjevani spisak izvršenih ugovora u ukupnom iznosu od 380.000,00 KM bez uračunatog PDV-a u posljednjih 5 (pet) godina računajući od dana podnošenja ponude-referenc lista, koju sačinjava ponuđač na svom memorandumu sa potvrdama o izvršenim ugovorima od strane krajnjeg korisnika (u iznosu od 380.000,00 KM bez uračunatog PDV-a), a sve u skladu sa članom 48. stav 2. Zakona, uz napomenu da pravno lice (izvođač) ne može izdati potvrdu o realizaciji radova drugom izvođaču, već navedeno može učiniti isključivo upravitelj ceste izvođaču koji je izvršio radove.

Ponuđač "Tuzlić" d.o.o. Breza je u svojoj ponudi (strana 29. Ponude) dostavio Potvrdu o uspješno izvedenim radovima, izdatu od strane pravnog lica "Matal" d.o.o. Sarajevo.

Komisija za javne nabavke smatra da je ponuđač "Tuzlić" d.o.o. Breza postupio suprotno zahtjevu ugovornog organa iz tačke 7.4.2. pod a) TD kojim je nedvosmisleno propisano da pravno lice (izvođač) ne može izdati potvrdu o realizaciji radova drugom izvođaču, već da navedeno može učiniti isključivo upravitelj cesta izvođaču koji je izvršio radove.

Ponuđač "Tuzlić" d.o.o. Breza je na strani 30 svoje Ponude dostavio Potvrdu broj: 02-893/19 od 28.06.2019. godine izdatu od strane Općine Vareš, iz koje je vidljivo da je ponuđač uredno realizovao ugovor u iznosu od 88.316,34 KM bez uračunatog PDV-a.

Na osnovu prethodno iznesenog, Komisija za javne nabavke smatra da ponuđač "Tuzlić" d.o.o. Breza ne zadovoljava postavljeni uslov o realizaciji minimalno jednog ugovora čiji je karakter i kompleksnost isti ili sličan onom koji se odnosi na predmetnu nabavku iznosu od 380.000,00 KM bez uračunatog PDV-a, a sve u skladu sa članom 51. Zakona.

- Tačkom 7.4.1. pod c) TD, a u skladu sa članom 51. Zakona je traženo da ponuđač posjeduje/ima na raspolaganju građevinske mašine i tehničku opremu neophodnu za uspješno izvođenje predmetnih radova, i između ostalog da ima na raspolaganju 2 (dva) teretna vozila-kamioni kiper.

Tačkom 7.4.2. pod c) TD je između ostalog traženo da se kao dokazi za tražena teretna vozila kamione-kipere iz tačke 7.4.1. pod c) stavka 1. dostave važeće saobraćajne dozvole/potvrde o registraciji.

Ponuđač "Tuzlić" d.o.o. Breza je u svojoj Ponudi (strana 89. Ponude) dostavio Saobraćajnu dozvolu/Potvrdu o registraciji za kamion "Man"-samoistovarivač/kiper.

Komisija za javne nabavke cijeni da dostavljena Saobraćajna dozvola/Potvrda o registraciji nije u skladu sa traženim dokazima iz tačke 7.4.2. pod c) TD, jer je uvidom u istu utvrđeno da je registracija za dostavljeni kamion istekla dana 20.07.2019. godine, te da ista u međuvremenu nije produžena od vlasnika kamiona firme "Tenex" d.o.o. Sarajevo.

- Tačkom 7.4.1. pod c) TD, a u skladu sa članom 51. Zakona je traženo da ponuđač posjeduje/ima na raspolaganju građevinske mašine i tehničku opremu neophodnu za uspješno izvođenje predmetnih radova, i između ostalog da ima na raspolaganju 2 (dva) finišer za ugradnju asfalta.
Tačkom 7.4.2. pod c) TD je između ostalog traženo da se kao dokazi za tražene finišere za ugradnju asfalta iz tačke 7.4.1. pod c) stavka 3. dostave važeće saobraćajne dozvole/potvrde o registraciji ili važeće upotrebne dozvole, uz napomenu da dostavljeni dokazi moraju biti originali ili ovjerene kopije.

Ponuđač "Tuzlić" d.o.o. Breza je u svojoj Ponudi dostavio Upotrebnu dozvolu broj: 17-UD-0357-2.3./16 od 22.04.2016. godine za finišer za asfalt, proizvođača Vögele, izdatu od strane "Tehnoinpekt" d.o.o. Sarajevo.

Komisija za javne nabavke cijeni da dostavljena Upotrebna dozvola nije u skladu sa traženim dokazima iz tačke 7.4.2. pod c) TD, jer je uvidom u istu utvrđeno da je upotrebna dozvola izdata 22.04.2016. godine, dok je Napomenom II iz tačke 7.4.2. pod c) TD propisano da Upotrebna dozvola važi 3 (tri) godine od dana izdavanja iste, što znači da je u odnosu na postavljene zahtjeve ugovornog organa dostavljena upotrebna dozvola istekla.

Također, ponuđač je upotrebnu dozvolu dostavio u običnoj kopiji te je propustio da predmetnu stranicu ponude numeriše.

- Tačkom 7.4.1. pod c) TD, a u skladu sa članom 51. Zakona je traženo da ponuđač posjeduje/ima na raspolaganju građevinske mašine i tehničku opremu neophodnu za uspješno izvođenje predmetnih radova, i između ostalog da ima na raspolaganju 2 (dva) valjka (ukupne mase preko 2 t).

Tačkom 7.4.2. pod c) TD je između ostalog traženo da se kao dokazi za tražene valjke iz tačke 7.4.1. pod c) stavka 4. trebaju kao dokazi dostaviti važeće saobraćajne dozvole/potvrde o registraciji ili važeće upotrebne dozvole, uz Napomenu II koja propisuje da "Upotrebna dozvola važi 3 (tri) godine od dana izdavanja iste. Ukoliko iz dostavljene upotrebne dozvole nisu vidljive tražene karakteristike mašina/opreme, potrebno je da ponuđač dostavi dokaz-Zapisnik o pregledu mašina/opreme ili drugi dokaz iz kojeg su nedvosmisleno vidljive tražene karakteristike".

Ponuđač "Tuzlić" d.o.o. Breza je u svojoj Ponudi (strana 98. Ponude) dostavio Upotrebnu dozvolu broj: SR-133-8/19 od 18.03.2019. godine za radnu mašinu vibracioni valjak, proizvođača Bomag, izdatu od strane "Zep-ing" d.o.o. Tuzla.

Komisija za javne nabavke cijeni da dostavljena Upotrebna dozvola nije u skladu sa traženim dokazima iz tačke 7.4.2. pod c) TD, iz razloga što se iz dostavljenog dokumenta ne može utvrditi da se radi o valjku ukupne mase preko 2 t.

Sastavni dio Upotrebne dozvole broj: SR-133-8/19 od 18.03.2019. godine je i Zapisnik o stručnom nalazu broj: SR-133/19, koji ponuđač nije dostavio, iako je isto jasno zahtjevano Napomenom II iz člana 7.4.2. pod c) TD, a u slučaju da iz dostavljene upotrebne dozvole nisu vidljive tražene karakteristike mašina/opreme.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

Detaljnim postupkom pregleda i ocjene ponuda, Komisija za javne nabavke je utvrdila da Ponude ponuđača:

- "Bosman" d.o.o. Sarajevo,
- "Bucomerc" d.o.o. Kiseljak,
- "Demus" d.o.o. Sarajevo,
- "Ame" d.o.o. Breza,
- "Grakop" d.o.o. Kiseljak i

- "MGBH" d.o.o. Sarajevo

ispunjavaju formalno-pravne uslove, odnosno zahtjeve ugovornog organa tražene Tenderskom dokumentacijom.

Zatim je Komisija za javne nabavke pristupila razmatranju finansijskog dijela Ponuda ponuđača koji ispunjavaju formalno-pravne uslove, odnosno zahtjeve ugovornog organa tražene Tenderskom dokumentacijom, te je izvršena računska provjera dostavljenih ponuda i utvrđeno je da nema računskih grešaka, a sve u skladu sa odredbom člana 17. stav 1. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15).

Komisija za javne nabavke je konstatovala da su svi ponuđači u skladu sa tačkom 9.2.1.TD u svojim ponudama dostavili Potvrde Vanjskotrgovinske komore BiH, a u cilju dokazivanja ispunjenja uslova o primjeni preferencijalnog tretmana domaćeg, u skladu sa Odlukom o obaveznoj primjeni preferencijalnog tretmana domaćeg, donesenoj od strane Vijeća ministara Bosne i Hercegovine ("Službeni glasnik BiH", broj: 83/16) i Odlukom o izmjenama i dopunama odluke o obaveznoj primjeni preferencijalnog tretmana domaćeg ("Službeni glasnik BiH" broj: 54/19).

Tačkom 9.2.TD je propisano da će ugovorni organ u svrhu poređenja ponuda primijeniti preferencijalni tretman domaćeg, u skladu sa Odlukom o obaveznoj primjeni preferencijalnog tretmana domaćeg, donesenoj od strane Vijeća ministara Bosne i Hercegovine ("Službeni glasnik BiH" broj: 83/16), te će u svrhu poređenja ponuda umanjiti cijene domaćih ponuda za preferencijalni faktor od 5 % za ugovore koji se dodjeljuju u 2020. godini.

Domaćim ponudama se smatraju ponude koje dostave pravna ili fizička lica sa sjedištem u BiH i kod kojih, u slučaju ugovora o uslugama i radovima, najmanje 50% radne snage za izvršenje ugovora su rezidenti iz BiH

Tenderskom dokumentacijom-tačkom 9. 5. (Ispravka računskih grešaka i E-aukcija), a u skladu sa Pravilnikom o uslovima i načinu korištenja E-aukcije ("Službeni glasnik BiH" broj: 66/16) predviđen je postupak E-aukcije, koji uključuje podnošenje novih cijena, izmijenjenih naniže, ili cijena i novih (poboljšanih) vrijednosti koje se odnose na određene elemente ponuda, a odvija se nakon početne ocjene ponuda i omogućava njihovo rangiranje pomoću automatskih metoda ocjenjivanja u informacionom sistemu E-nabavke.

E-aukcija je bila zakazana za 22.04.2020. godine u 12:00 sati.

Nakon provedenog postupka E-aukcije i po završetku iste, a u skladu sa Izvještajem o toku i završetku E-aukcije od 22.04.2020. godine, Komisija za javne nabavke je sačinila sljedeću Rang listu u Otvorenom postupku nabavke radova na rekonstrukciji Ulice Vogošćanskih odreda u ukupnoj dužini od 450 m, na području općine Vogošća kako slijedi:

R.B.	NAZIV PONUĐAČA	UKUPNA CIJENA (KM) bez PDV-a	UKUPNA CIJENA (KM) sa PDV-om
1	"Ame" d.o.o. Breza	278.000,00	325.260,00
2	"Bucomerc" d.o.o. Kiseljak	279.500,00	327.015,00
3	"MGBH" d.o.o. Sarajevo	319.247,48	373.519,55
4	"Demus" d.o.o. Sarajevo	335.000,00	391.950,00
5	"Bosman" d.o.o. Sarajevo	340,000,00	397.800,00
6	"Grakop" d.o.o. Kiseljak	386.025,08	451.649,34

Iz navedenih razloga, a primjenom člana 64. stav 1. tačka b) Zakona o javnim nabavkama BiH ("Službeni glasnik BiH" broj: 39/14), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača "Ame" d.o.o. Breza, za izvođenje radova na rekonstrukciji Ulice Vogošćanskih odreda u ukupnoj dužini od 450 m, na području općine Vogošća, kao prvoplasiranom na Rang listi, sa ponuđenom najnižom cijenom tehnički zadovoljavajuće ponude u iznosu od 278.000,00 KM bez uračunatog PDV-a, odnosno 325.260,00 KM sa uračunatim PDV-om.

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem ugovornog organa.

Izradio: Mirza Čutura

Mirza Čutura

Kontrolisala: Melisa Kršo

Melisa Kršo

Dostavljeno:

1. "Bosman" d.o.o. Sarajevo
2. "Bucomerc" d.o.o. Kiseljak
3. "Demus" d.o.o. Sarajevo
4. "Ame" d.o.o. Breza
5. "Grakop" d.o.o. Kiseljak
6. "Ado-trans" d.o.o. Visoko
7. "MGBH" d.o.o. Sarajevo
8. "Tuzlić" d.o.o. Breza
9. Nadležnoj Službi
10. U dosije
11. a/a

033/762-061

030/876-248

033/210-167

032/783-936

030/872-216

032/735-200

033/763-110

032/784-028

